

立尽退永耕埔園契字人葫蘆墩街林亨觀，有自己明置得埔園一所，坐落土名大甲九張犁庄后。東至大墩爲界；西至曾齊，陳相園爲界；南至劉水園爲界；北至三張犁車路爲界，四址爲界，面踏分明清楚。歷年應配納水溝路，由林未勝勿等田園中經過，通流灌溉充足。今因乏銀費用，愿將此埔園出賣尽退永耕，先問房親叔兄弟侄人等不能承受，外托中引就向與三松庄陳契觀前來出首承買尽退永耕。當日憑中三面言定時值尽退永耕賣得價銀陸拾大員正。其銀即日全中交收足訖，其埔園隨即踏明界址，交付銀主陳契觀前去掌管召佃，永遠耕作收租。一退千休，葛藤永斷，寸土不留，永爲陳契觀寔業。日後子子孫孫再不敢增添契尾，言及湊贖異言等情。每年晚應納番主吉老、六□大租粟叁斗正。保此埔園係是林亨觀自己寔業，與房親無干，亦無重張與借他人財物不明爲碍，如有不明等情，林亨觀出頭一力抵擋，不干銀主之事。此係三面言議，二比甘心兩愿，並無迫勒，各無反悔。□恐無憑，今欲有憑，合立尽退永耕埔園契字一紙，帶上手番字契券柒昏，合共捌昏，付執爲遠久存炤。

批明：即日收過尽退永耕字內契面銀陸拾大員正足訖。爲炤。

代書人陳姜先

作中人康力觀

在場知見人林江力

二〇

同治三年八月

日立尽退永耕埔園契字人林亨